

SARS EFILING YI KULA EKA MAVHIKI YAMBIRHI YO SUNGULA YA NGUVA YA XIBALO

PRETORIA, Muggivela, ti 13 Mawuwani 2019 – Vukorhokeri bya Xibalo bya Afrika-Dzonga (SARS) byi tsakisiwile hi ku tivisa leswaku ku na engetelo wa ntlhanu wa tipesente eka ntirhiso wa eFiling eka mavhiki yambirhi yo sungula ya Nguva ya Xibalo ya 2019.

Tanihilaha a swi ri xiswona tolo (Ravunthani ti 12 Mawuwani), SARS yi kumile ku tlula 456 000 wa mirhumelo ya xibalo xa malinghena xa munhu hi yexe hi ku tirhisa SARS MobiApp.

SARS yi ngenhisile Wi-Fi emarhavini ya yona ku cinca vahakelaxibalo ku ya eka tichanele letimbirhi ta xidijiti leti antswisiweke, eFiling na SARS MobiApp, eka tshalatshala ro antswisa ku ya emahlweni ntirhiso wa tichanele letimbirhi ta xidijiti.

SARS yi tsundzuxa vahakelaxibalo hi masiku ya Nguva ya Xibalo lawa ya landzelaka. Mirhumelo ya le rhavini ra SARS yi ta amukeriwa exikarhi ka ti01 Mhawuri na ti 31 Nhlangua, loko eFilers na vatirhisi va MobiApp va ri na ku fikela ti 04 N'wendzambahala.

SARS yi lemuka leswaku vahakelaxibalo van'wana va hlangana na mithonthlo mayelana na tihakelo ta mivuyiselo ya mali, na tiphurosese ta nkambelo, ntiyisiso kumbe oditi. SARS yi kombela ku rivaleriwa eka nkanganyiso lowu vangekeke.

Hi tsakela ku tsundzuxa vahakelaxibalo hinkwavo lava hlawuleriweke yin'wana ya tiphurosese hi vutinyiketeri bya hina eka lebyi nga eka *Service Charter* ku nga lebyi landzelaka:

Loko u kolotiwa vuyiselo wa mali wa lembe leri naswona ku ri hava xikweleti xin'wana lexi kolotiwaka, swiboho hinkwaswo swi fikeleriwile, tiphurosese ta vulawuri bya vufambisi ti landzeleriwile naswona ku ri hava nkambelo, ntiyisiso kumbe oditi leyi lavekaka kumbe ku sunguriwa, hi ta ringeta ku:

- Hakela vuyiselo wa mali wa nkarhi wolowo wo fayila, lowu nga ehenhla ka R100, eka 7 wa masiku ya ntirho yo hetisisa nhlelelo wa mahetelelo.
- Loko u hlawuleriwile nkambelo, ntiyisiso kumbe oditi, hi ta ringeta ku:
 - Ku tivisa loko ku ve ntlheriso kumbe ntiviso wu fanerile hi ntiyisiso eka 15 wa masiku ya bindzu ya rhumelo, loko ku ve ntlheriso wa wena i wa nkarhi wolowo wo fayila.
 - Hetisisa ntiyisiso eka 21 wa masiku ya bindzu ku sukela eka siku leri tidokhumente to seketela hinkwato ti nga kumiwa hi rona, loko ku ve ntlheriso wa wena i wa nkarhi wolowo wo fayila.
 - Hetisisa oditi eka 90 wa masiku ya bindzu ku sukela eka siku leri tidokhumente to seketela hinkwato ti nga kumiwa hi rona.

Mayelana na vuxokoxoko bya ntswalo wa le bangi, vahakelaxibalo va fanele va tsundzuka leswaku Mitlheriso ya Xibalo xa Malinghena xa Munhu hi Yexe yi tumbuluxiwa hi vuxokoxoko lebyi ku sukela hi 2020. Hambiswiritano, nvuxokoxoko lebyi byi nga ngenhisiwa hi ndlela ya manyuwali eka lembe ra xibalo ra 2019.

Milunghiso yo hlava yi ta endliwa eku heleni loku ka vhiki loku nga ta ololoxa swiviko swo tala leswi kumiweke ku suka eka vahakelaxibalo.

SARS yi tirha kun'we na na vatokoti va swa xibalo hi ku tirhisa Mihlangano ya Vulawuri leti Tivekaka (tiRCB) no khensa mihlangano leyi eka ntirhisano wa vona eku pfuneni ko nyika vukorhokeri bya xiyimo xa le henhla eka vahakelaxibalo.